



# AN DORYPHORA!



SON HA TON NEVEZ

savet gant

Francis MOHL ha François STÉPHAN  
daou ganer kastellad

Kinniget a wir galon d'hor mignonned Sant-Malo  
skoet gant ai Lezen Zaoz.

## I

Eun darvoud, kenvroiz, zo c'hoarvezet er vro  
An Doryphora brein, tudou, eo e hano  
Eur c'houil braz bag ha grign en douar penn-da-benn  
Patatez, Brikoli, Atrichaot, Gwinien

## II

Evid'omp, er vro-inan, vije eur rivin braz  
An « Exportasionou » vije serret, siouaz !  
Marc'hadourez an douar, ne dalvezfe netra  
Ha dre-aman , m'hel lavar vije diez beva.

## III

Met, kenvroiz ker , en hor Bro Breiz-Izel  
N'eo ket en gavet, evelkent ar brezel  
An Doryphora 'vit c'hoaz, n'hen deuz ket dispaket  
Na minouch', na lagat, na kraban milliget.

## IV

Bro-Zaoz, avad, kenvroiz, deuz kavet digarez  
Da esa ober deomp eun taol trubarderez  
Euz hon legumachou, n'he fell ket d'ezi mui  
Frouez hon Douar int, ganthro petra reimp-ni ?

## V

Difenn a ra ouzomp Yann Zaoz euz a Dre-mor  
Kas hor marc'hadourez en tu-all d'an arvor  
« Brein eo o legumac'h ! Saotret eo o touar !  
Hag an Doryphora a zo kaos m'hel lavar !»

## VI

Yann-Zaoz ne lavar ket e brederenn genta  
Al lur eo a zo izel gantan, na petra-ta !  
C'hoen zo en e lerou hag e lavar d'eomp-ni  
« Ouz an Doryphora e rankomp enebi !»

## VII

Dizale tudou keiz e pennou'r vugale  
E vo Doryphora e leac'h laou marteze  
Pa rankoc'h o laza, c'houi tadou ha mammou  
Ha ranko kemeret bizier ha morzoliou.

## VIII

Ha c'houi potred yaouank pa zeoc'h d'an arme  
Ha ranko sellet mad bep noz en o kwele  
Rag e leac'h « punaise » e kavoc'h kasi sur  
An Doryphora louz, d'ober d'eoc'h plijadur.

## IX

Soaz ha Fanch 'n'ho gwele a ra eur c'houskik mad  
Dervez skuiuz zo bet, tenn eo bet ar stourmad  
'Kreiz an noz, dihunet, Soaz a c'halv e bried  
« An Doryphora, Fanch, a zo krog em morzed !»

## X

Ar Vugale yaouank, vez dizent aliez  
Pa vez estrenn en ti, rankont diskouez o mouez  
An tad, hiviziken, lavaro Krak ha berr  
« An Doryphora, sur l a zo krog en da ler !»

## XI

Marc'hadourien, breman, war an holl plasennou  
A zello piz ha mad bemdez ouz ar gargou  
Pa vo ar brikoli melenet pe gouilhet  
D'an Doryphora, eo, e vez tamallet.

## XII

Saozoun, va mignonned epad ar brezel braz  
Omp en em skoazellet ; en em zikouromp c'hoaz !  
Bezit lead ganeomp, adrev digareziou  
Ar Frans he deuz dija prestet d'eoc'h miliardou !

## XIII

Hor marc'hadourez-ni n'eo ket taget 'vit c'hoaz  
Na gant Doryphora, na gant ki, na gant kaz  
Eur varc'hadourez yac'h, migron a Vreiz-Uhel  
Evel ne vez kavet nemet e Breiz-Izel !!!

(Reproduction interdite.)

An nep a garle kaout ar son-ma a c'hell he goulen digant  
François STEPHAN, Kemener, 30, Ru Vraz e Kastel-Paol.